

Ризқнинг қадри



13:16 / 17.05.2025 2545

Мен ҳазрат, доктор Абдулхай Орифий қоддасаллоҳу сирроҳдан ҳазрат Таҳонавий раҳматуллоҳи алайҳнинг бир воқеаларини эшитганман:

«Бир куни ҳазрат касал бўлиб қолдилар. Шу аснода бир киши у зотга сут келтирди. Ҳазрат сутни ичдилар ва озгинаси ортиб қолди. Ортиб қолган сутни бош тарафларига қўйдилар. Бироз ўтиб ҳазрат ухлаб қолдилар. Уйғонганларида ёнларида турган бир кишидан: «Биродар, озгина сут ортиб қолган эди. У қаерга кетди?» деб сўрадилар.

У киши: «Ташлаб юбордим. Бор-йўғи бир қултум экан, холос», деди.

Ҳазрат Таҳонавий раҳматуллоҳи алайҳ хафа бўлдилар ва шундай дедилар: «Сен Аллоҳ таолонинг неъматини ташлаб юбордингми? Жуда ёмон иш қилибсан. Агар мен ўша сутни ича олмаган бўлсам, сен ўзинг ичиб

қўйганинг ёки бошқа бировга берганинг маъқул эди. Ҳеч бўлмаса мушук ёки тўтига ичирганинг ҳам яхши эди, у зое кетмасди. Ўша бир қултум сут Аллоҳ таолонинг бирор махлуқи эҳтиёжига яради. Сен эса, уни ташлаб юбординг»?!

Кейин бир усул-қоидани баён қилдилар: «Инсон ҳаёти давомида кўп фойда оладиган нарсаларнинг озгина миқдорини ҳам қадрлаши ва ҳурматлаши лозим».

Масалан, инсон доимий таом истеъмол қилади. У билан очлигини кеткизади. Қорнини тўйғазади. Лекин ўша таомнинг озгина қисми ортиб қолса, ташлаб юбормаслиги, уни эъзозлаши, қадрлаши муҳимдир. Уни исроф-зое қилиш жоиз эмас. Бу гапнинг асли ҳадисдан олинган. Унинг мазмуни бундай: «Аллоҳнинг ризқини асло қадрсиз қилманг. Уни бирор ўринга сарф қилинг».

«Насиҳатлар гулдастаси» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 4 апрелдаги 02-07/ 2234-рақамли ва 2023 йил 23 мартдаги 03-07/ 1912-рақамли хулосалари асосида чоп этилган.